

禮記箋

卷五
卷六



07411

禮記箋

王制第五

王者之制祿爵公侯伯子男凡五等諸侯之上大夫卿

下大夫上士中士下士凡五等二五象五行剛柔十日祿所受食爵秩次也上

大夫曰卿。方氏苞曰侯國不設中大夫何也王朝六

官之貳及官中要職皆中大夫故侯國小司徒小司寇

之類必爵以下大夫乃與王朝有別舊說五大夫於經傳無徵

天子之田方千里象日月之大亦取晷同也此謂縣內以祿公卿大夫元士。晷日影也鄭

注司徒云凡日景於地千里而差一寸是千里同一寸也公侯田方百里伯七十里

子男五十里不能五十里者不合於天子附於諸侯曰

附庸天子之三公之田視公侯天子之卿視伯天子之

大夫視子男天子之元士視附庸皆象星辰之大小也

城曰附庸附庸者以國事附於大國未能以其名通也

視猶比也元善也善士謂命士也此地殷所因夏爵三

等之制也殷有鬼侯梅伯春秋變周之文從殷之賢合

伯子男以爲一則殷爵三等者公侯伯也異畿內謂之

子周武王初定天下更立五等之爵增以子男而猶因

殷之地以九州之界尙狹也周公攝政致太平斥大九

州之界制禮成武王之意封王者之後爲公及有功之



禮記箋 王制

疏云先中國方三千里今方七千亦非也周公非若商
鞅開阡陌何能斥三千里之地遽爲七千也此皆注疏
妄說

制農田百畝百畝之分上農夫食九人其次食八人其

次食七人其次食六人下農夫食五人庶人在官者其

祿以是爲差也農夫皆受田於公田肥數有五等收入
不同也庶人在官謂府史之屬官長所

除不命於天子國諸侯之下士視上農夫祿足以代其

君者分或爲糞 耕也中士倍下士上士倍中士下大夫倍上士卿四大

夫祿君十卿祿次國之卿三大夫祿君十卿祿小國之

卿倍大夫祿君十卿祿此班祿尊卑之差。方氏瑟曰
次國小國不言大夫士者多寡

禮記箋 王制

同於大
國可知

次國之上卿位當大國之中中當其下下當其上大夫

小國之上卿位當大國之下卿中當其上大夫下當其

下大夫此諸侯使卿大夫覲聘並會之序也其爵位同
小國在下爵異固在上耳。方氏苞曰侯國既

不立中大夫此言大國乃別有上大夫何也於下大夫
之中又分上下也。愚案不言小國於次國者同次國

於大國
可知

其有中士下士者數各居其上之三分謂其爲介若特
行而並會也居

猶當也此據大國而言大國之士爲上次國之士爲中
小國之士爲下士之數國皆二十七人各三分之上九

中九下九以位相當則次國之上士當大國之中中當
其下小國之上士當大國之下凡非命士亦無出會之

事春秋傳謂士爲微。愚按以上節文勢推之。此中士下士謂次國小國之士也。數謂班行之次也。各居其上國之三分之二。不言二文省耳。又按方氏苞欲移此節於上士二十七人句下。以爲二十七人中包三等之士。故特表而出之。今未敢從。

凡四海之內九州州方千里州建百里之國三十七

里之國六十五十里之國百有二十凡二百一十國名

山大澤不以封其餘以爲附庸閒田八州州二百一十

國建立也立大國三十三公也立次國六十六卿也立小國百二十二小卿也名山大澤不以封者與民同財不得障管亦賦稅之而已此大界方三千里三三而九方千里者九也其一爲縣內餘八各立一州此殷制也周公制禮九州大界方七千里七七四十九方千里者四十有九也其一爲畿內餘四十八八州各

禮記箋 王制

三

有方千里者六設法一州封地方五百里者不過四謂之大國又封方四百里者不過六又封方三百里者不過十一謂之次國又封方二百里者不過二十五及餘方百里者謂之小國盈上四等之數并四十六一州二百一十國則餘方百里者百六十四也凡處地方千里者五十方百里者五十九其餘方百里者四十一附庸地也。疏曰注言設法謂假設爲法非實封也。齊召南曰賴有此文理尙可解朱子曰恐是儒者算法其實不然建國必因山川形勢無截然可方之理眞通論哉

天子之縣內方百里之國九七十之國二十有一五

十里之國六十有三凡九十三國名山大澤不以盼其

餘以祿士以爲閒田縣內夏時天子所居州界名也殷曰畿詩股頌曰邦畿千里惟民所

止周亦曰畿畿內大國九者三公之田三爲有致仕者副之爲六也其餘三待封王之子弟次國二十一者鄉

之田六亦爲有致仕者副之爲十二又三爲三孤之田其餘六亦待封王之子弟小國六十三大夫之田二十七亦爲有致仕者副之爲五十四其餘九亦以待封王之子弟三孤之田不副者以其無職佐公論道耳雖有致仕猶可卽而謀焉盼讀爲班

凡九州千七百七十三國天子之元士諸侯之附庸不

與不與不在數中也春秋傳云禹會諸侯於塗山執玉帛者萬國言執玉帛則是惟謂中國耳中國而言萬國則是諸侯之地有方百里者有方七十里者有方五十里者禹承堯舜而然矣要服之內地方七千里乃能容之夏末既衰夷狄內侵諸侯相并土地滅國數少殷湯承之更制中國方三千里之界亦分爲九州而建此千七百七十三國焉周公復唐虞之舊域分其五服爲九其要服之內亦方七千里而因殷諸侯之數廣其土增其爵耳孝經說曰周千八百諸侯布列五千里內此文改周之法關盛衰之中三七之間以爲說也終此說之意

禮記箋 王制

四

五五二十五方千里者二十五其一爲畿內餘二十四州各有方千里者三其餘諸侯之地大小則未得而聞○疏云此一節總明殷之畿內畿外國數之法○愚按注中凡遇此類亦據傳記大略推行而爲言非實法也其引緯書又何可信

天子百里之內以共官千里之內以爲御謂此地之田稅所給也官

謂其文書財用也御謂衣食○方氏苞曰凡祭祀賓客師田皆天子所御不獨服用也

千里之外設方伯五國以爲屬屬有長十國以爲連連

有帥三十國以爲卒卒有正二百一十國以爲州州有

伯屬連卒州猶聚也伯帥正亦長也凡長皆因賢侯爲之般之州長曰伯虞夏及周皆曰牧○方氏苞曰卒

疑萃字傳寫之誤八州八伯五十六正百六十八帥三

○愚按或古字通

百三十六長八伯各以其屬屬於天子之老二人分天

下以為左右曰二伯老謂上公周禮曰九命作伯春秋傳曰自陝以東周公主之自陝以

西召公主之

千里之內曰甸服治田千里之外曰采九州之內地取其美物以當穀

稅。愚按采事也外諸侯以供王事為職故謂之采注云采美物恐未然曰流謂九州之外也夷狄流移

或貢或不貢貢荒服之外三百里蠻二百里流

天子三公九卿二十七大夫八十一元士此夏制也明堂位曰夏后

氏之官百舉成數也。愚按王制之文鄭皆以為殷法此獨據明堂位以為夏制明堂位未必足據則云夏制

亦恐未然

禮記箋 王制

五

大國三卿皆命於天子下大夫五人上士二十七人

國三卿二卿命於天子一卿命於其君下大夫五人上

士二十七人小國二卿皆命於其君下大夫五人上士

二十七人命於天子者天子選用之如今詔書除吏是矣小國亦三卿一卿命於天子二卿命於其

君此文似誤脫耳或者欲見畿內之國二卿與。愚按注云文有脫誤當是。方氏苞曰疏謂土統稱上對府

史而言府史非士不得與士差分上下蓋此為朝廷之士對鄉遂公邑都家之士而為上也

天子使其大夫為三監監於方伯之國國三人使佐方伯領諸

侯。愚按國即州也州三人入州二

十四人秦時使御史監郡即此也天子之縣內諸侯祿也選賢置之於位其國之祿如諸侯不得世。方氏苞曰天子縣

內之諸侯則祿也俗讀縣字斷句誤又曰注疏以稱縣內決此為夏制非也縣之名肇自周官六遂中大邑也畿內與侯國皆有之呂不韋作月令始云合諸侯制百縣以百縣與諸侯相對則秦以百縣為畿內明矣外諸侯嗣也有功乃封之使之世也冠禮記曰繼世以立諸侯象賢也

制三公一命卷若有加則賜也不過九命次國之君不

過七命小國之君不過五命卷俗讀也其通則曰袞三公八命矣復加一命則服

龍袞與王者之後同多於此則賜非命服也虞夏之制天子服有日月星辰周禮曰諸公之服自袞冕而下如

王之服

大國之卿不過三命下卿再命小國之卿與下大夫一

命不著次國之卿者以大國之下互明之此卿命則異大夫皆同周禮公侯伯之卿三命其大夫再命子男

之卿再命其大夫一命

禮記箋 王制

六

凡官民材必先論之論謂考其德行道藝辨然後使之辨謂考問得其

定也易曰問以辨之任事然後爵之爵謂正其秩次位定然後祿之與之

食

爵人於朝與士共之刑人於市與眾棄之必共之者所以審慎之也

是故公家不畜刑人大夫弗養士遇之塗弗

與言也屏之四方唯其所之不及以政示弗故生也屏猶

放去也已施刑則放之棄之役賦不與亦不授之以田困乏又無則餼也虞書曰五流有宅五宅三居是也周則墨者使守門劓者使守闕宮者使守內劓者使守圉髡者使守積。愚按有宅鄭注尙書音知嫁反懲艾也

善曰克明德慎罰

王肅讀如字是也

諸侯之於天子也。比年一小聘，三年一大聘，五年一朝。

比年每歲也。小聘使大夫，大聘使卿。朝則君自行，然此大聘與朝。晉文霸時所制也。虞夏之制，諸侯歲朝。周之制，侯甸男采衛要服。六天子五年一巡守。天子以海內者各以其服數來朝。省之五年者，虞夏之制也。周則十二歲一巡守。

歲二月東巡守，至于岱宗，柴而望祀山川。岱宗，東嶽也。柴，祭天告至也。

覲諸侯。覲，見也。問百年者就見之。就，見也。老人。命大師陳詩以觀

民風。陳詩謂采其詩而視之。命市納賈以觀民之所好惡，志淫好

辟。市，典市者賈謂物貴賤厚薄也。質則用物貴。淫，則侈物貴民之志淫邪，則其所好者不正。命典禮

禮記卷七 王制

考時月，定日，同律，禮樂制度，衣服正之。同陰律也。愚按律為萬事根本，故居禮樂制度之上。山川神祇有不舉者為不敬，不

敬者君削以地。舉，猶祭也。宗廟有不順者為不孝，不孝者君

紕以爵。不順者謂若逆昭穆。變禮易樂者為不從，不從者君流。

也。革制度衣服者為畔，畔者君討。討，誅也。有功德於民者

加地，進律。律法也。愚按律法則也。周禮六命。賜則應氏以律為爵命之等，恐非。五月南

巡守，至于南嶽，如東巡守之禮。八月西巡守，至于西嶽

如南巡守之禮。十有一月北巡守，至于北嶽，如西巡守

之禮。歸假于祖，禰用特。假，至也。特，特牛也。祖下及禰皆一牛。

之禮歸假于祖禰用特。

天子將出類乎上帝宜乎社造乎禰諸侯將出宜乎社

造乎禰帝謂五德之帝所祭於南郊者類宜造皆祭名其禮亡。愚按帝即天也注云五德之帝據緯

書為說非也類上帝告天也宜社告地也

天子無事與諸侯相見曰朝事謂征伐考禮正刑一德以尊

于天子天子賜諸侯樂則以祝將之賜伯子男樂則以

鼗將之將謂執以致命祝鼗皆所以節樂諸侯賜弓矢然後征賜鈇鉞

然後殺賜圭瓚然後為鬯未賜圭瓚則資鬯於天子得其

器乃敢為其事圭瓚鬯爵也鬯秬酒也

天子命之敎然後為學小學在公宮南之左大學在郊

禮記卷五 王制

學所以學士之宮尚書傳曰百里之國二十里之郊七

十里之國九里之郊五十里之國三里之郊此小學大

學殷天子曰辟廱諸侯曰頌宮尊卑學異名辟明也廱和也所以明和天下頌

之言班也所以班政教也

天子將出征類乎上帝宜乎社造乎禰禱於所征之地

禱師祭也為兵受命於祖告祖也受成於學定兵也出征執

有罪反釋奠于學以訊馘告釋菜奠幣禮先師也訊馘所生獲斷耳者詩曰執訊

獲醜又曰在頌獻馘馘或為國。愚按此節及辟廱頌宮等名即據詩大雅魯頌為說他書實無所見而自魯外諸侯學亦無名頌宮者戴震深不信之

天子諸侯無事則歲三田一為乾豆二為賓客三為充

君之庖

三田者夏不田蓋夏時也周禮春日蒐夏日苗秋日獮冬日狩乾豆謂腊之以為祭祀豆實也庖今之廚也○愚按三田即為下三事而田鄭釋廢疾云爾此注復據公羊家緯書而為說無事而

不田曰不敬田不以禮曰暴天物

不敬者簡祭祀略賓客天子不

合圍諸侯不掩羣

為盡物也天子殺則下大綏諸侯殺則下

小綏

殺當為綏綏有虞氏之旌旗也下謂弊之大夫殺則止佐車佐車止則

百姓田獵

佐車驅逆之車獺祭魚然後虞人入澤梁豺祭獸然後田獵鳩化為鷹然後設罝羅草木零落然後入山林

昆蟲未蟄不以火田

取物必順時候也梁絕水取魚者罝小網也昆明也明蟲者得陽而生得陰而藏不麝不卵不殺胎不殀天

不麝不卵不殺胎不殀天

重傷未成物殀斷殺少長曰天不覆

巢

覆敗也

冢宰制國用必於歲之杪五穀皆入然後制國用

制國用如

今度支經

用杪末也用地小大視年之豐耗

用多少多不過禮少有所

各以歲之收入制其以三十年之通制國用量入

殺○愚按小大猶多寡也

以三十年之率當有九祭用數之仇

以為出

通三十年之畜出謂所當給為祭用數之仇

數用其

喪三年不祭唯祭天地社稷為越絳而行事

以卑廢尊越猶

喪大事用三喪祭用不

躓也絳輶車索

歲之什一喪祭用不

足曰暴有餘曰浩

暴猶耗也浩猶饒也祭豐年不奢凶年不儉

數之

常國無九年之蓄曰不足無六年之蓄曰急無三年

禮記箋 王制

之蓄曰國非其國也三年耕必有一年之食九年耕必有三年之食以三十年之通雖有凶旱水溢民無菜色

然後天子食日舉以樂菜色食菜之色民無食菜之飢色天子乃日舉以樂侑食。王

肅云二十七年當有九年之蓄言三十者舉全數

天子七日而殯七月而葬諸侯五日而殯五月而葬大夫

士庶人三日而殯三月而葬尊者舒卑者速春秋傳曰天子七月而葬同軌

畢至諸侯五月同盟至大夫三年之喪自天子達庶人

於父母同天庶人縣封葬不為雨止不封不樹喪不貳

子諸侯降期事葬以其禮儀少封謂聚土為墳不封之不樹之又為

禮記箋 王制

十

至卑無節也周禮曰以爵等為三封之度與其樹數則土以上乃皆封樹貳之言二也庶人終喪無二事不使從政也喪大記曰大夫士既葬公政入於家既卒哭弁經帶金革之事無辟也。方氏苞曰庶人無雨具疑或為雨止故特明之貴者不必言也鄭任綸曰庶人分微禮簡雖雨可以集事貴者禮事重大不嫌更舉天子達於庶人喪從死者祭從生者支子不祭從死者謂衣衾

棺槨從生者謂奠祭之牲器

天子七廟三昭三穆與大祖之廟而七此周制七者大祖及文王武王

之祧與親廟四大祖后稷殷則六廟契及湯與二昭二穆夏則五廟無大祖禹與二昭二穆而已。愚按殷六

廟夏五廟說本緯書未可據信其云文王武王為二祧亦不合王肅云天子七廟謂高祖之父及高祖之祖廟

為二祧并始祖及親廟四為七又云周之文武受命之王不遷之廟權禮所施非常廟之數殷之三宗宗其德

而存其廟亦不以爲數凡七廟者皆不稱周室其說較鄭爲長而所云二祧亦未安祧不在七廟數中也又按鄭以七廟獨周制此據韋元成議劉歆馬融王肅以爲七廟天子常禮是也諸侯五廟二昭

二穆與太祖之廟而五後大祖始封之君王者之後不爲始封之君廟大夫三

廟一昭一穆與太祖之廟而三大祖別子始爵者大傳曰別子爲祖謂此雖非

別子始爵士一廟謂諸侯之中士下士名曰官師者上士二廟庶人祭於寢

者亦然寢適寢也。方氏苞曰自適士至庶人皆得祭祖禰知然者殤與無後者從祖祔食若庶人不得祭祖尙何祔

食之有楚語土庶人不過其祖

天子諸侯宗廟之祭春日禘夏日禘秋日嘗冬日烝此蓋夏殷之祭名周則改之春日祠夏日禘以禘爲殷祭詩小雅曰禘祠烝嘗于公先王此周四時祭宗廟之名

禮記箋 王制

禮記箋 王制

士

天子祭天地諸侯祭社稷大夫祭五祀五祀謂司命也厲也此祭謂大夫有

地者其無地祭三耳

天子祭天下名山大川五嶽視三公四瀆視諸侯視視其牲

器之諸侯祭名山大川之在其地者魯人祭泰山晉人祭河是也天

子諸侯祭因國之在其地而無主後者謂所因之國先王先公有功德

宜享世祀今絕無後爲之祭主者昔夏后氏郊鯀至杞爲夏後而更郊禹晉侯夢黃熊入國而祀夏如此其禮也

天子植祔祫禘嘗禘烝植猶一也祫合也天子諸侯而祭之謂之祫後因以爲常天子先祫而後時祭諸侯

先時祭而後祫凡祫之歲春一祫而已不祫以物無成

而祭之謂之祫後因以爲常天子先祫而後時祭諸侯

用民之力歲不過三日治宮室城郭道渠

田里不粥墓地不請皆受於公民不得私也粥賣也請求也

司空執度地司空冬官卿掌邦事者度丈尺也居民山川沮澤時四

時觀寒煖燥溼沮謂萊沛也愚按寒煖謂四時燥溼謂山川沮澤也草所生日萊水所生日沛孟子云沛澤

多量地遠近制邑井興事任力事謂築邑廬宿市也

職任萬民皆所以盡其力凡使民任老者之事食壯

者之食寬其力饒其食

凡居民材必因天地寒煖燥溼使其材藝堪地氣也

也盧植云能寒者使居寒能暑者使居暑廣谷大川異制謂其形象民生其間者

禮記箋 王制

異俗謂其所好惡剛柔輕重遲速異齊謂其性情緩急五味異和謂香

鹹苦器械異制謂作務之用衣服異宜謂旃裘與絺綌脩其教不易

其俗齊其政不易其宜教謂禮義政謂形禁中國戎夷

五方之民皆有性也不可推移地氣使然東方曰夷被髮

文身有不火食者矣南方曰蠻雕題交趾有不火食者

矣雕文謂刻其肌以丹青涅之交趾足相鄉然西方曰

戎被髮衣皮有不粒食者矣北方曰狄衣羽毛穴居有

不粒食者矣不粒食地氣寒少五穀中國夷蠻戎狄皆有安居和

味宜服利用備器其事雖異各自足五方之民言語不通嗜欲

不同達其志通其欲東方曰寄南方曰象西方曰狄鞮

北方曰譯皆俗間之名依其事類耳鞮之言知也今冀部有言狄鞮者。愚按鞮革履也周官鞮屨

氏

凡居民量地以制邑度地以居民地邑民居必參相得

得猶足也。愚按所以必參相得令無曠土游民也無曠土無游民食節事時

民咸安其居樂事勸功尊君親上然後興學立小學大學

司徒脩六禮以節民性明七教以興民德齊八政以防

淫一道德以同俗養耆老以致孝恤孤獨以逮不足上

賢以崇德簡不肖以絀惡司徒地官卿掌邦教者逮及也簡差擇也命鄉簡

禮記箋 王制

不帥教者以告帥循也。不循教謂教很不孝弟者司徒使鄉簡擇以告者鄉屬司徒耆老

皆朝于庠元日習射上功習鄉上齒大司徒帥國之俊

士與執事焉將習禮以化之使之觀焉耆老致仕及鄉中老賢者朝猶會也此庠謂鄉學也鄉謂

飲酒也鄉禮春秋射不變命國之右鄉簡不帥教者移

之左命國之左鄉簡不帥教者移之右如初禮中年考校而又不

不變使轉徙其居覲其見新人有所化也亦復習禮於鄉學使之觀焉不變移之郊如初

禮郊鄉界之外者也稍出遠之不變移之遂如初禮遠

後中年又為之習禮於郊學不變屏之遠方終身

之外曰遂遂大夫掌之又中年復不變屏之遠方終身

不齒遠方九州之命鄉論秀士升之司徒曰選士移名於司

徒也秀士鄉大夫所考有德行道
藝者。愚按秀禾之穎出者也。司徒論選士之秀者

而升之學曰俊士可使習禮者學大學升於司徒者不征於鄉升

於學者不征於司徒曰造士不征不給其繇役造成樂

正崇四術立四教樂正樂官之長掌國子之教虞書曰夔命女典樂教胄子崇高也高尚其

術以作教也幼者教之於小學長者教之於大學尚書傳曰年十五始入小學十八入大學。愚按術道路名

也順先王詩書禮樂以造士順此四術而教以成是士也春秋教以

禮樂冬夏教以詩書春夏陽也詩樂者聲聲亦陽也秋冬陰也書禮者事事亦陰也互言

之者皆以其術相成。方氏苞曰詩書絃誦而已禮樂則執其器習其容有進反趨走袒踊舞蹈之事非盛暑

嚴寒所宜也。王大子王子羣后之大子卿大夫元士之適子

禮記箋 王制

國之俊選皆造焉皆以四術成之王子王之庶子也羣后公及諸侯凡入學以

齒皆以長幼受學不用尊卑將出學小胥大胥小樂正簡不帥教者

以告于大樂正大樂正以告于王此所簡者謂王大子王子羣后之大子卿

大夫元士之適子大胥小胥皆樂官屬也出學謂九年大成學止也。王命三公九卿大夫

元士皆入學不變王親視學亦謂使習禮以化之不變王又親為之臨視重棄賢

者子孫此習禮皆於大學也。不變王三日不舉去食樂重棄人屏之遠方西

方曰棘東方曰寄終身不齒棘當棘棘之言偏使之偏寄於夷戎不屏於南北為

其大遠。愚按棘讀如字急也困辱之寄流寓也賤者至於四不變然後屏之貴者止於二不變遂屏之從化

有難易考期有久近所以不同。大樂正論造士之秀者以告于王而升

諸司馬曰進士移名於司馬司馬夏官卿掌邦政者進士可進受爵祿也。愚按進謂才德成就堪進用也

司馬辨論官材辨其論官其材觀其所長論進士之賢者以告于王

而定其論各署其所長。愚按造士曰秀論官曰賢者賢謂德行道藝具備也。周禮使民與賢出使

長之謂是也論定然後官之使之任官然後爵之。愚按官小試

之爵尊任之位定然後祿之大夫廢其事終身不仕死以士

禮葬之以不任大夫也。愚按廢其事謂罷輓不勝任也。故降其爵而止。若有罪當別有處不復得以

葬也士禮有發則命大司徒教士以車甲乘兵車衣甲之儀有發謂有軍師發

卒方氏苞曰有發則司徒教以車甲者非徒作其武勇亦聲以禮義使知親上死長也。教田獵以習五戎司

禮記箋 王制

六

徒搢拊北面誓之義亦如此。愚按司徒主徵發故放士車甲司馬主嚴辨故使論官材此皆文武兼資也

凡執技論力適四方贏股肱決射御謂環衣出其臂脛使之射御決勝負

見勇力。愚按適四方謂奔走禦侮也。又按顏氏家訓書證篇引鄭注云謂擗衣出其臂脛今書皆作擗甲之環國子博士蕭該云環當作擗音

宣環是穿著之名非出臂之義。凡執技以事上者祝

史射御醫卜及百工言技謂此七者凡執技以事上者不貳事

不移官欲專其事亦為不德出鄉不與士齒賤也於其鄉中則齒親親也仕於

家者出鄉不與士齒亦賤

司寇正刑明辟以聽獄訟司寇秋官卿掌刑者辟罪也必三刺以求民情

斷其獄訟之中一曰訊羣臣二曰訊羣吏三曰訊有旨萬民。愚按刺采取也。漢志云刺六經中作王制

無簡不聽簡誠也有其意無其誠者不論以為附從輕

出之使從輕罪○愚按簡核也書呂刑五辭簡孚附從輕

五刑必即天論制斷也即就也必即天論言與天意合

或為倫○愚按論倫郵罰麗於事郵過人心即或為則論

古通用論亦訓理也郵罰麗於事郵過人心即或為則論

不可假他以喜怒○愚接詩云不知其郵郵傳舍也

麗於事謂與所犯凡聽五刑之訟必原父子之親立君

臣之義以權之權平意論輕重之序慎測淺深之量以

別之善惡○愚按意謂以己心度人也悉其聰明致其

忠愛以盡之盡其情○愚按聰明人疑獄汜與眾共之

眾疑赦之必察小大之比以成之小大猶輕重已行故

意斷獄事成獄辭史以獄成告於正正聽之史司寇

於周鄉師之屬今漢有正平丞秦所置○方氏苞曰疏

云鄉師不掌獄是也然合鄉士士師而曰鄉師則辭不

當律疑注本鄉士而傳寫誤師耳蓋正掌鄉獄者鄉士

正掌遂獄者遂士也士師則與大司寇共聽者不得以

士師正以獄成告于大司寇大司寇聽之棘木之下

鄉師之屬辨其獄訟異其死刑之罪而要之職聽於朝

棘公侯伯子男位焉面三槐三公位焉○愚按棘木下

矣大司寇以獄之成告於王王命三公參聽之王使三

禮記箋

王制

七

之成告於王王三又然後制刑又當作宥宥寬也一宥

宥曰遺忘○愚按又復也王恐聽不審復命凡作刑罰

三者之官如前聽之如是者三然後斷刑也輕無赦法雖輕不赦刑者例也例者成也一成而不可

變故君子盡心焉變更也○愚析言破律亂名改作執

左道以亂政殺析言破律巧賣法令者也亂名改作謂

變易官與物之名更造法度左道若巫

蠱及俗禁作淫聲異服奇技奇器以疑眾殺淫聲鄭衛之屬

冠瓊弁也奇技奇器行偽而堅言偽而辯學非而博順

若公輸般請以機寔皆謂虛華捷假於鬼神時日卜筮以

非而澤以疑眾殺給無誠者也此四誅者不以聽為

疑眾殺今時持喪葬築蓋嫁取卜禮記箋王制六

為害大而凡執禁以齊眾不赦過亦為人將易犯○方

辭不可習又別出此條其事各異也周官士師以五禁

左右刑罰則此記所謂執禁以齊眾也過者怠慢而違

禁尚未麗於刑罰也各隨其輕重懲之有圭璧金璋不

無赦則習而陷於大惡者必漸少矣有圭璧金璋不

粥於市命服命車不粥於市宗廟之器不粥於市犧牲

不粥於市戎器不粥於市尊物非民所宜有戎器軍器

侃以為用金為印章案此則璋用器不中度不粥於市字古本作章今從玉旁者非也兵車不中度不粥於市布帛精麤不中數幅廣狹不中量不粥於市姦色亂正色不粥於市凡以其不可用也食器也度丈尺也數升縷多少○舊說布朝服十五升斬衰三升齊衰四升布幅廣二尺二寸帛廣二尺四寸

錦文珠玉成器不粥於市衣服飲食不粥於市不示民以奢與

食也成猶善也○方氏苞曰衣服飲食不粥於市防民之情也五穀不時果實未熟不

粥於市物未成不利人木不中伐不粥於市伐之非時不中用周禮仲冬斬陽木

仲夏斬禽獸魚鼈不中殺不粥於市殺之非時不中用月令季冬始漁周

禮春獻關執禁以譏禁異服識異言關竟上門譏呵察

大史典禮執簡記奉諱惡簡記策書也諱先王名惡忌日若子卯天子齊

戒受諫歲終羣臣奏歲事諫王當所改爲也○愚按此句應屬上爲一節注斷之恐非竊疑奉諱惡謂

陳災異警滅亡之類以是教諫故天子齋戒受之○方氏苞曰受諫即受簡記中所列之儀法所避之諱惡也

郊特牲云卜之日王親立於澤以聽誓命受教諫之義也

禮記箋 王制

克

司會以歲之成質於天子司會豕宰之屬掌計要者成計要也質平也平其計要

豕宰齊戒受質贊王受之○方氏苞曰陳氏集說司會質一歲之計要於天子而先之豕宰非

也觀下文司徒司馬司空以百官之成質於天子則司會所質乃徑達於天子明矣豕宰齊戒受質者天子省

之而復下於豕宰使聽決也 大樂正大司寇市三官以其成從質於

天子大樂正於周宗伯之屬市司市也於周司徒之屬從從於司會也○方氏苞曰三官以其成從質於

天子者繼司會而質非因司會而達也司徒司馬司空齊戒受質者亦復下使聽決也三官特以其成質於天

子者人材之成敗刑獄之多寡百物之豐耗尤天子所當留意也陳氏又謂六官獨不言宗伯爲無可歲會亦

非也司會曰歲成計要也三官及百官第曰成乃治狀非財用之計也 大司徒大司馬大

司空齊戒受質百官各以其成質於三官大司徒大司

馬大司空以百官之成質於天子百官此三官之屬○方氏苞曰此三官即

大司徒大司馬大司空也百官各以其成質於三官三

官以百官之成質於天子者百官所治各有定式或其

事細微故先之三卿三卿先自聽決而後百官齊戒受

總質於天子不每事以煩天子之聽也

質受平報也然後休老勞農饗養成歲事斷計制國用○愚按自

司會以下皆歲終大計之法計吏了畢然後息老勞農

謂蜡臘也成歲事制國用謂豕宰制國用於歲杪也

凡養老有虞氏以燕禮夏后氏以饗禮殷人以食禮周

人脩而兼用之兼用之備陰陽也凡飲養陽氣凡食養

四種天子視學養老一歲有七十養於鄉六十養於國

七四時皆養老故鄭注云云七十養於學達於諸侯天子諸侯養老同也國國中小

學在王官之左學大學也在郊

禮記箋 王制

小學在國中大學在郊此殷制明矣○方氏苞曰五十

養於鄉乃鄉遂都家公邑庶士之老也黨正縣正之類

屬而飲食之故曰養於鄉也六十養於

國七十養於學則朝士大夫之老也

八十拜君命一坐再至瞽亦如之九十使人受命謂君不親饗

食必以其五十異綆六十宿肉七十貳膳八十常珍九

禮致之十飲食不離寢膳飲從於遊可也糗糧也貳副也遊謂

老味淡而嗜美大老食少而易六十歲制七十時制八

飢寢遊之處皆有度閤之飲食十月制九十日脩惟絞紵衾冒死而后制絞紵衾冒一

者五十始衰六十非肉不飽七十非帛不煖八十非人

不煖九十雖得人不煖矣煖溫五十杖於家六十杖於鄉

七十杖於國八十杖於朝九十者天子欲有問焉則就其室以珍從之尊養七十不俟朝大夫士之老者揖君則退八十月告

存每月致膳九十日有秩秩常也五十不從力政六十不與

服戎七十不與賓客之事八十齊喪之事弗及也力稍衰也

力政城道之役也與及也八十不齊賢者命五十而爵為大夫

則不祭也子代之祭是謂宗子不孤六十不親學不能備七十致政唯衰麻為喪致政還君事

有虞氏養國老於上庠養庶老於下庠夏后氏養國老

於東序養庶老於西序殷人養國老於右學養庶老於

左學周人養國老於東膠養庶老於虞庠虞庠在國之

禮記箋 王制

三

西郊皆學名也異者四代相變耳或上西或上東或貴

學小學在國中或在郊上庠右學大學也在西郊下庠左

王宮之東西序虞庠亦小學也西序在西郊周立小學

於西郊膠之言糾也庠之言養也周之膠或作紉疏

云庠則後有室前有堂序與庠制同方氏苞曰國老

卿大夫之老也庶老庶士之老也庶人之老及死事者

父祖則有司各就其地養之引年之政是也若並養於

學校則無地以容其席位先王制禮以辨上下定民志於

傳引作四郊祭義天子設四學注云四學周四郊之有虞氏皇而祭深衣而養老夏后氏收而祭燕衣而養老殷人罍而祭縞衣而養老周人冕而祭玄衣而養老

屬也畫羽飾焉凡冕屬其服皆玄上纁下有虞氏十二
章周九章夏殷未間凡養老之服皆其時與羣臣燕之
服有虞氏質深衣而已夏而改之尙黑而黑衣裳殷尙
白而縞衣裳周則兼用之玄衣裳其冠則牟追章甫
委貌也諸侯以天子之燕服爲朝服燕禮曰燕朝服服
是服也王者之後亦以燕服爲之魯季康子朝服以縞
僭宋之禮也天子凡三王養老皆引年已而引戶校年
皮弁以日視朝也當行復除也老
人眾多非賢八十者一子不從政九十者其家不從政
者不可皆養

廢疾非人不養者一人不從政廢廢於人事父母之喪三年

不從政齊衰大功之喪三月不從政將徙於諸侯三月

不從政自諸侯來徙家期不從政自徙也○愚按將徙謂去之他國者三月

不從政厚其往也來徙謂自他邦來者期不從政勸其來也周禮旅師新阡之治皆聽之

禮記箋 王制

三

少而無父者謂之孤老而無子者謂之獨老而無妻者

謂之矜老而無夫者謂之寡此四者天民之窮而無告

者也皆有常餼餼廩也

瘠聾跛躄斷者侏儒百工各以其器食之斷謂支節經也侏儒短人

也器能也

道路男子由右婦人由左車從中央道中三途遠別也○愚按地道尊右

父之齒隨行兄之齒鴈行朋友不相踰廣敬也謂於途中輕任

井重任分斑白者不提挈皆謂以與少者雜色曰斑

君子耆老不徒行庶人耆老不徒食徒猶空也

大夫祭器不假祭器未成不造燕器造爲也○陳氏本

廟句

方一里者爲田九百畝一里方三百步○愚按方里而

里爲成百里爲方十里者爲方一里者百爲田九萬畝井田九百畝每以十數相加十

同千里爲終方百里者爲方十里者百爲田九十億畝億今

者爲方百里者百爲田九萬億畝萬億今萬萬也○疏

相交涉遂誤爲萬億鄭更不顯言其錯因此錯本萬億

之言卽云此經萬億者卽今之萬萬皇氏以爲億數不

定或以十萬爲億或以萬萬爲億或以一萬爲億此云

萬億者祇是萬萬也六國時或將萬爲億故云萬億但

古事難悉未知孰是○陳氏注云百箇百里之

方爲九千億畝今乃云九萬億畝經文誤也

禮記箋 王制

三

自恆山至於南河千里而近冀州自南河至於江千里

而近豫州自江至於衡山千里而遙荊州自東河至於

東海千里而遙徐州自東河至於西河千里而近亦冀州

自西河至於流沙千里而遙雍州西不盡流沙南不盡

衡山東不盡東海北不盡恆山凡四海之內斷長補短

方三千里爲田八十萬億一萬億畝九州之大計○陳

爲田九十億畝則方三千里當云八方百里者爲田九

萬一千億畝如疏義亦承誤釋之也十億畝山陵林麓川澤溝瀆城郭宮室塗巷三分去一

其餘六十億畝以一大國爲率其餘所

古者以周尺八尺爲步今以周尺六尺四寸爲步古者百畝當今東田百四十六畝三十步古者百里當今百二十一里六十步四尺二寸二分

周尺之數未詳聞也案禮制周猶以十寸爲尺蓋六國時多變亂法度或言周尺八寸則步更爲八八六十四寸以此計之古者百畝當今百五十六畝二十五步古者百里當今百二十五里○愚按周尺至宋始出於今作木主有周尺式是也○方氏苞曰東田疑秦人語也春秋傳晉人使齊盡東其畝秦開阡陌必多東畝以利戎車故漢初儒者猶相承而曰東田○案顧炎武曰知錄三十二卷云穀梁傳古者三百步爲里今以三百六十步爲里而尺又大於古四之一今之六十二里遂當古之百里云云王制之說殆未然又案晉書摯虞傳將作大匠陳緄掘地得古尺尙書奏今尺長於古尺宜以古尺爲正

禮記箋 王制

三

方千里者爲方百里者百封方百里者三十國其餘方百里者七十又封方七十里者六十爲方百里者二十九方十里者四十其餘方百里者四十方十里者六十又封方五十里者百二十爲方百里者三十其餘方百里者十方十里者六十名山大澤不以封其餘以爲附庸閒田諸侯之有功者取於閒田以祿之其有削地者歸之閒田

○愚按此節論畿外九州建國之法

天子之縣內方千里者爲方百里者百封方百里者九其餘方百里者九十一又封方七十里者二十一爲方

百里者十方十里者二十九其餘方百里者八十方十
里者七十一又封方五十里者六十三爲方百里者十
五方十里者七十五其餘方百里者六十四方十里者
九十六○陳氏注曰此倣上章畿外之法推之可見畿外封國多而餘地少廣封建之制於天下也畿內封國少而餘地多備采邑之分於王朝也

諸侯之下士祿食九人中士食十八人上士食三十六
人下大夫食七十二人卿食二百八十八人君食二千
八百八十人次國之卿食二百一十六人君食二千一
百六十人小國之卿食百四十四人君食千四百四十

禮記箋 王制

人次國之卿命於其君者如小國之卿天子之大夫爲
三監監於諸侯之國者其祿視諸侯之卿其爵視次國
之君其祿取之於方伯之地方伯爲朝天子皆有湯沐
之邑於天子之縣內視元士給齊戒自潔清之用浴用湯沐用潘

諸侯世子世國象賢也○愚按此疑亦據衰世之法耳若聖王之世當須擇其賢否賢固世國

不賢當擇其宗族之賢者立之若概令世國而不賢卽其國何罪故云未賜爵視天子之元士以君其國此語殆有深意又據周禮諸侯世子有已大夫不世爵使以誓未誓亦自同恐不皆世國者也

德爵以功謂縣內及列國諸侯爲天子大夫者不世爵而世祿辟賢也○愚按父子相繼爲一世世祿者當祿及其子而止非謂世世勿絕也未賜爵視天子之元士以君其國

列國及縣內之國也諸侯之大夫不世爵祿

六禮冠昏喪祭鄉相見酒鄉射七教父子兄弟夫婦君

臣長幼朋友賓客八政飲食衣服事爲異別度量數制
飲食爲上衣服次之事爲謂百工技藝也異別五方用器不同也度丈尺也量斗斛也數百十也制布帛幅廣也狹也

禮記箋

玉制

三

禮記箋

月令第六

孟春之月日在營室昏參中旦尾中

孟長也日月之行一歲十二會聖王

因其會而分之以爲大數焉觀斗所建命其四時此云孟春者日月會於詠訾而斗建寅之辰也凡記昏明中星者爲人君南面而聽天下視時候以授民事○齊召南曰孔疏引三統元嘉二歷以證昏旦中星不同是也但云不與歷正同其說未暢夫月令之歲差使然唐宋不同堯典猶之三統元嘉不同月令此則歲差使然唐宋不同堯典去元嘉其日甲乙乙之言月爲之佐時萬物皆解孚甲遠矣
自抽軋而出因以爲日名焉其帝大皞其神句芒此蒼乙不爲月名者君統臣功也
君木官之臣自古以來著德立功者也大其蟲鱗象物皞必戲氏句芒少皞氏之子曰重爲木官

禮記箋 月令

一

將解鱗龍蛇之屬○愚按似云鱗蟲木屬耳注云象物恐未然後竝同

其音角

謂樂器之聲也三分

羽益一以生角角數六十四屬木者以其清濁中民象也春氣和則角聲調樂記曰角亂則憂其民怨凡聲尊卑取象五行數多者濁數少者清大不過宮律應氣之管以銅爲之中猶應也孟春氣至則大族之律應應謂吹灰也大族者林鍾之所生五行佐天地八寸凡律空圍九分周語曰其數八生物成物之次也易曰天一地二天三地四天五地六天七地八天九地十而五行自水始火次之木次之金次之土爲後木生數三成數八但言其味酸其臭羶木之臭味也凡其祀入者舉其成數

戶祭先脾

春陽氣出祀之於戶內陽也祀之先祭脾者春爲陽中於藏直脾脾爲尊凡祭五祀於廟

用特牲有主有尸皆先設席於奧祀戶之禮南面設主於戶內之西乃制脾及腎爲俎奠於主北又設盛於俎

西祭黍稷祭內祭體皆三祭內脾一腎再既祭徹之更
陳鼎俎設饌於筵前迎尸略如祭宗廟之儀○齊召南
日按春祭脾夏祭肺秋祭肝皆祭其所刺季夏祭心則
祭其所生冬祭腎則祭其所旺許慎據此篇四時所祭
卽配五行所屬

康成駁之是也東風解凍蟄蟲始振魚上冰獺祭魚鴻

鴈來皆記時候也振動也夏小正正月啓蟄魚陟負冰漢始亦以驚蟄爲正月中小正時魚肥美獺將食之

先以祭也鴈自南方來將北反其居今月令鴻皆爲候

○疏云凡記時候先言者則氣候在前後言者則氣候

在後○案王應麟曰政啓爲驚蓋避景帝諱又案孔疏

引漢書律歷志云正月立春節雨水二月驚蟄節春

分中是前漢之末劉歆作三統歷改驚蟄爲二月節也

○顧氏曰知錄三十卷云淮南子先雨水後驚蟄則漢

初已有此說而蔡邕月令問答云問者曰旣不用三統

以驚蟄爲正月中雨水爲二月節皆三統法也獨用之

何曰孟春月令曰蟄蟲始震擬作在正月也仲春始雨

水則雨水二月也以其合故用之是則三統未嘗改雨

禮記箋月令

水在驚蟄之前也改之天子居青陽左个乘鸞路駕倉

龍載青旂衣青衣服倉玉食麥與羊其器疏以達皆所

時氣也青陽左个大寢東堂北偏鸞路有虞氏之車有

鸞和之節而飾之以青取其名耳春言鸞冬夏言色互

文馬八尺以上爲龍凡所服玉謂冠飾及所佩者之衡

璜也麥實有孚甲屬木羊火畜也時尙寒食之以安性

也器疏者刻鏤之象物當貫土而出也凡此車馬衣服

皆所取於殷時而有變焉非周制也周禮朝祀戎獵車

服各以其事不以四時爲異又玉藻曰天子龍衮以祭
左端而朝日皮弁以日視朝與此皆殊○愚按如鄭之
意則明堂四面各三室其中爲堂其左右爲个共十二
室也朱子則謂十二室實是九室如井田之制○方氏
苞曰居謂居是月也以立春先立春三日大史謁之天
明堂以聽政

子曰某日立春盛德在木天子乃齊大史禮官之屬掌正歲年以序事謁

告也立春之日天子親帥三公九卿諸侯大夫以迎春於

東郊還反賞公卿諸侯大夫於朝迎春祭倉帝靈威仰於東郊之兆也王居

明堂禮日出十五里迎歲蓋殷禮也周近郊五十里實謂有功德者有以顯賜之也朝大寢門外○愚按鄭木

作賞公卿諸侯大夫於朝孔疏可按陳氏本脫去諸侯二字非也今正之○注云迎春祭倉帝靈威仰疏云賈

馬禁邕皆為迎春祭大皞及句芒齊召南曰此可融為一說祭蒼帝以太皞及句芒配之鄭之失在名目必據

緯書命相布德和令行慶施惠下及兆民王相謂三公相

謂善教也令謂時禁也慶謂休其善也惠謂恤其不足也天子曰兆民慶賜遂行母有不

當遂猶達也言使當得者皆得得者無非其人乃命大史守典奉法司天日

月星辰之行宿離不貸毋失經紀以初為常典六典法八法也離

禮記箋 月令

三

讀如儷偶之儷宿儷謂其屬馮相氏保章氏掌天文者

相與宿偶當審候何不得過差也經紀謂天文進退度

數○顏師古匡謬正俗曰按易之離卦象辭曰日月麗

乎天今云宿離不貸宿即星辰離則日月蓋覆上言星

辰日月耳何為改離作儷若然離卦亦可變為麗卦○

愚按典法謂歷象推步之屬也宿日月星辰所舍也離

歷也貸差也經紀七政之躔度是月也天子乃以元日

初即典法之故事注似未安乃擇元辰天子親載耒耜措之于參保介之御

帝大微之帝也乃擇元辰天子親載耒耜措之于參保介之御

推卿諸侯九推元辰蓋郊後吉辰也耒耜之上曲也保介車右也置耒於車右與御者之閒明

己勸農非農者也人君之車必使勇士衣甲居右而參乘備非常也保猶衣也介甲也帝藉為天神借民力所

治之田也。○方氏苞曰：參保介者，參乘之保介也。朱軾曰：御侍也。謂置於保介所侍處也。又呂氏春秋參字在子字上，更直截。○惠棟古義云：注云「元辰蓋郊後吉亥也」，俗本作「吉辰正義」，曰「知用亥者以陰陽式法正月亥為天倉以其耕事故用天倉也」。盧植蔡邕並云：「正月建陽故用日耕，是陰故用辰元者善也。」皇氏云：「正月建寅日月會辰在亥，故耕用亥也。」○案：惠氏又引南齊志諸議云：「五行之說，木生於亥，以亥日祭先農也。」又云：「十辰寅與亥合，取月建與日辰合也。」又云：「陽生於子，元起於亥，據此諸說，則知古本皆作「吉亥矣」，不知何時誤作「吉辰」，遂傳之至今也。又按「參」字在「于」字下，為是。據周頌「保介恐是農官也」，反「執爵于大寢三公九卿諸侯大夫皆御命曰勞酒」，既耕而宴飲以勞御侍也。是月也，天氣下降，地氣上騰，天地合同，草木萌動。此陽氣蒸達可耕之候也。農書曰：王命布農事，命田舍土長，冒櫛陳根，可拔耕者急發。

禮記箋 月令

東郊皆脩封疆，審端徑術。田謂田峻主農之官也。舍東封疆，田首之分職。術，周禮作遂，夫間有遂，遂上有徑，遂小溝也。步道曰徑。今尚書曰：「分命羲仲，宅嵎夷也。」○愚按：術，田間道也。讀如字。善相丘陵阪險原隰，土地所宜，五穀所殖。

以教道民，必躬親之。之相視也。田事既飭，先定準直，農乃不

惑。說所以命田舍東郊之意也。準，直謂封疆徑遂也。夏小正曰：「農率均田。」○率，所類反。謂田正。是月

也，命樂正入學習舞。為仲春將釋菜。乃脩祭典。重祭禮歲始省錄。命祀

山林川澤犧牲，毋用牝。為傷妊類。禁止伐木。盛德所在。毋覆巢

母，殺孩蟲胎夭飛鳥，毋麇母卵。為傷萌類。毋聚大眾，毋置

城郭。為妨農之始。掩骼埋胔。謂死氣逆生也。骨枯曰骼，肉腐曰胔。○蔡邕云：「露骨曰骼，有肉

日 是月也不可以稱兵稱兵必天殃逆生 兵戎不起不

可從我始為客不利 主人則可 母變天之道以陰攻 犯陽 母絕地之理

易剛柔 母亂人之紀仁之時而 舉義事 孟春行夏令則雨水不

時已之氣乘之也 四月於消息為乾 愚按每月失草

木蚤落促生 日 國時有恐以火訛相驚 驚恐不必要 是火也 季春水亦

然 行秋令則其民大疫申之氣乘之 七月始殺 焱風暴雨總至正

宿直尾箕箕好風其 藜莠蓬蒿並興生氣亂 惡物茂 行冬令則

水潦為敗雪霜大摯首種不入亥之氣乘之也 舊說首 種謂稷 愚按稷於百

穀最先種蔡邕 云宿麥非也

禮記箋明令

仲春之月日在奎昏弧中旦建星中仲中也 仲春者日 月會於降婁而斗

建卯之辰也弧在輿鬼南建星在斗上○疏云餘月昏 旦中星皆舉二十八宿此不然者以弧星近井建星近

斗井斗度多星體廣不可的指故也○齊召南曰 注云弧在輿鬼南略差弧在井南其去輿鬼稍遠 其日

甲乙其帝大皞其神句芒其蟲鱗其音角律中夾鍾其

數八其味酸其臭羶其祀戶祭先脾夾鍾者夷則之所 生三分益一律長

七寸二千一百八十七分寸之千七十五仲春始雨水 氣至則夾鍾之律應周語曰夾鍾出四隙之細

桃始華倉庚鳴鷹化為鳩搏穀也 漢始以倉庚驪黃也 鳩 節○愚案日知錄云雨水者謂天所雨者水而非雪也

今二月間尚有雨雪唯南方地煖有正月雨水者南史 宋孝武帝紀大明元年正月庚午都下雨水蓋以雨水

為異○逸周書周月解春三中氣雨水春分穀雨○按

搏穀卽布穀也
天子居青陽大廟乘鸞路駕倉龍載青

旂衣青衣服倉玉食麥與羊其器疏以達青陽大廟東

是月也安萌芽養幼少存諸孤助生擇元日命民社社

土也使民祀焉神其農業也祀社日用甲○愚按召誥

有也一里二十五家○金鶚社稷考云里社制始於秦古未之

法注說置社今時里社是也引命有司省囹圄去桎梏

毋肆掠止獄訟順陽寬也省減也囹圄所以禁守繫者

足日桎肆謂死刑暴尸也周禮曰肆之三日掠謂捶治

人○方氏苞曰周官掌囚上罪桎梏而桎梏既在手安

得更以桎加易曰童牛之特防其觸也則桎在脰拳在

手桎在足明矣所謂關三木也○愚按肆縱也言不得

禮記箋月令

縱意答 是月也玄鳥至至之日以大牢祠于高禘天子

親往玄鳥燕也燕以施生時來巢人堂字而字乳娶嫁

媾言禘神之而生契後王以爲媾官嘉祥而立其祠焉變

氏然則郊禘當復誰氏也○方氏苞曰此后妃帥九嬪

御御謂從往侍祠周禮天子以前絕無此典禮乃禮天子所

御帶以弓鞬授以弓矢于高禘之前天子所御謂今有

酒飲於高禘之庭以神惠顯之也帶以弓鞬授以弓矢

求得是月也日夜分雷乃發聲始電蟄蟲咸動啓戶始

出又記時候發猶出也○愚按二分二至皆重記先雷

三日奮木鐸以令兆民曰雷將發聲有不戒其容止者

生子不備必有凶災主戒婦人有娠者日夜分則同度

量鈞衡石角斗甬正權概因晝夜等而平當平也同角

斛日量三十斤日鈞稱上日衡百二十斤是月也耕者

少舍乃修闔扇寢廟畢備舍猶止也因蟄蟲啓戶耕事

用竹葦日扇畢猶皆也凡廟前日廟後日寢○方氏苞

日周官比長爵下土即耦耕之農也故耕者或得有廟

母作大事以妨農之事大事兵是月也母竭川澤毋漉

陂池毋焚山林順陽養物也畜水曰陂穿地通水曰池

陂停水天子乃鮮羔開冰先薦寢廟鮮當為獻聲之誤

也祭司寒而出冰薦於宗廟乃後賦之春秋傳曰古者

日在北陸而藏冰西陸朝覲而出之其藏冰也深山窮

谷固陰沍寒於是乎取之其出也朝之祿位賓食喪

祭於是乎用之其藏之也黑牡秬黍以饗司寒其出之

也桃弧棘矢以除其災其出入也時食肉之祿冰皆與

焉大夫命婦喪浴用冰祭婦至於老疾無不啓之公始

受冰○愚按鮮讀如字今猶謂薦新物曰獻鮮上丁命

樂正習舞釋菜樂正樂官之長也命習舞者順萬物始

之夏小正曰丁天子乃帥三公九卿諸侯大夫親往視

禮記箋月令

易也當祀者古以玉帛而已仲春行秋令則其國大水

寒氣總至西之氣乘之也八月寇戎來征金氣動也畢

行冬令則陽氣不勝麥乃不熟子之氣乘之也十一月為大陰民多相

掠陰姦眾也行夏令則國乃大旱煖氣早來午之氣乘之也蟲螟為

害暑氣所生為災害也

季春之月日在胃昏七星中旦牽牛中季少也季春者日月會於大梁

而斗建辰其日甲乙其帝大暉其神句芒其蟲鱗其音角

律中姑洗其數八其味酸其臭羶其祀戶祭先脾姑洗者南

呂之所生也三分益一律長七寸九分寸之一季春氣至則姑洗之律應周語曰姑洗所以脩絜百物考神納

賓桐始華田鼠化為鴽虹始見萍始生皆記時候也鴽皆記時候也鴽母蟬謂之

禮記箋月令

虹萍萍也其大者曰蘋○鴽母爾雅疏母作無蔡邕云鴽鶉鶉之屬天子居青陽右个乘

鸞路駕倉龍載青旂衣青衣服倉玉食麥與羊其器疏

以達青陽右个東堂南偏是月也天子乃薦鞠衣于先帝為將蠶求福祥

之助也鞠衣黃桑之服先帝大暉之屬命舟牧覆舟五覆五反乃告舟備

具于天子焉舟牧主舟之官也覆反舟者備傾側也天子始乘舟薦鮪于

寢廟進時美物乃為麥祈實於含秀求其成也不言所祈承寢廟可知○愚按祈麥實恐不

當於寢廟是月也生氣方盛陽氣發泄句者畢出萌者盡達

不可以內時可宣出不可收斂也句屈生者芒而直曰萌天子布德行惠命有

司發倉廩賜貧窮振乏絕振猶救也○愚按為春乏無之時也孟子曰春補不足

開府庫出幣帛周天下勉諸侯聘名士禮賢者周謂給不足也

勉猶勸也聘問也名士不仕者○愚按周徧也是月也命司空曰時雨將降下

水上騰循行國邑周視原野修利隄防道達溝瀆開通

道路母有障塞廣平曰原國也邑也平野也溝瀆與道

古者溝田獵罝罟羅網畢翳餒獸之藥母出九門獸為鳥

孚乳傷之逆天時也獸罟曰罝罟鳥罟曰羅網小其出

長謂之畢翳射者所以自隱也凡諸罟及毒藥禁其出

九門明其常有時不得用耳天子九門者路門也應門

也雉門也庫門也皋門也城門也近郊門也遠郊門也

關門也今月令無罟罟為弋○方氏苞曰匠人營國方

九里旁三門則王畿通十有二門此記所稱九門或侯

國之制或秦變周禮皆未可知而其為國門無疑也○

愚按田獵言此時猶得田獵也但罝罟以下不得用耳

禮記箋月令

是月也命野虞母伐桑柘愛蠶食也野虞謂

羽戴勝降于桑蠶將生之候也鳩鳴飛且翼相擊趨農

者若時始自具曲植籩筐時所以養蠶器也曲薄

天來重之也齊戒親東鄉躬桑禁婦女觀省婦使以勸蠶事后妃

桑示帥先天下也東鄉者鄉時氣也是明其不常畱養

蠶也畱養者所卜夫人與世婦謂世婦及諸臣之妻

也內宰職曰仲春詔后帥外內命婦始蠶於北郊女外

也婦使縫線組紉之事蠶事既登分繭稱絲效功以共

郊廟之服母有敢惰登成也敕往蠶者蠶畢將課功以勸戒之是月也命工

師令百工審五庫之量金鐵皮革筋角齒羽箭幹脂膠

丹漆母或不良工師司空之屬官也五庫藏此諸物之舍也量謂物善惡之舊法也幹器之木

也凡輓幹有當用脂良善也百工咸理監工日號母悖于時母或作

為淫巧以蕩上心咸皆也於百工皆理治其事之時工師則監之日號令之戒之以此二事

也悖猶逆也百工作器物各有時逆之則不善時者若

弓人春液角夏治筋秋合三材冬定體之屬也淫巧謂

僞飾不如法也蕩謂動之使生奢泰也今月令無于時作為詐僞是月之末擇吉日大

合樂天子乃帥三公九卿諸侯大夫親往視之大合樂者所以

助陽達物風化天下也其禮亡今是月也乃合累牛騰

天子以大射郡國以鄉射禮代之是月也乃合累牛騰

馬遊牝于牧累騰皆乘匹之名是月所合牛馬謂繫在

按累相累也騰相跳也皆牡者有匹偶之意故使就牝者於牧地而遊之犧牲駒犢舉書其

禮記箋月令

數以在牧而校數書之明出時無他故命國難九門磔

攘以畢春氣此難難陰氣也陰寒至此不止害將及人

昂昂有大陵積尸之氣氣伏則厲鬼隨而出行命方相

氏帥百隸索室毆疫以逐之又磔牲以攘於四方之神

所以畢止其災也王居明堂禮季春行冬令則寒氣時

日季春出疫于郊以攘春氣禮國有大恐以水訛行夏令

發草木皆肅丑之氣乘之也國有大恐以水訛行夏令

則民多疾疫時雨不降未之氣乘之也六月宿直山陵

不收於熱也行秋令則天多沈陰淫雨蚤降戌之氣乘

多陰淫霖也雨三日以上為霖今月令曰眾雨兵革並起陰氣勝也

孟夏之月日在畢昏翼中旦婺女中孟夏者日月會於

實沈而斗建巳之

辰其日丙丁丙之言炳也日之行夏南從赤道長育萬物月爲之佐時萬物皆炳然著見而強大

又因以爲日名焉易曰齊乎異相見乎離其帝炎帝其神祝融此赤精之君古以來著德立功者也炎帝大庭氏其蟲羽象物從風也祝融顓頊氏之子曰黎爲火官

其音徵三分宮去一以生徵徵數五十四屬火者以徵亂則哀律中中呂孟夏氣至則中呂之律應中呂者其事勤

萬九千六百八十三分寸之萬二千其數七成數七但言七者亦其味苦其臭焦火之臭味也凡其祀竈祭先

舉其成數苦焦者皆屬焉其祀竈祭先肺者陽氣盛熱於外祀之於竈從熱類也祀之先祭肺

祀竈之禮先席於門之奧東面設主於竈墜乃制肺及心肝爲俎奠於主西又設盛於俎南亦祭黍三祭肺心

禮記箋月令

肝各一祭醴三亦既祭徹之更陳鼎蝮蝮鳴蚯蚓出王

俎設饌於筵前迎尸如祀戶之禮蝮蝮鳴蚯蚓出王

瓜生苦菜秀皆記時候也蝮蝮蛙也王瓜葦挈也今月令云王萑生夏小正云王萑秀未聞孰是

○蔡邕云蝮蝮天子居明堂左个乘朱路駕赤駟載赤旂

衣朱衣服赤玉食菽與雞其器高以粗明堂左个大寢南堂東偏也菽

實孚甲堅合屬水雞木畜時熱食之亦以是月也以立

安性也粗猶大也器高大者象物盛長

夏先立夏三日大史謁之天子曰某日立夏盛德在火

天子乃齊謂告也立夏之日天子親帥三公九卿大夫以

迎夏於南郊還反行賞封諸侯慶賜遂行無不欣說迎

祭赤帝赤嫫怒於南郊之兆也不言帥諸侯而云封諸侯諸侯時或無在京師者空其文也祭統曰古者於禘

也發爵賜服順陽義也於嘗也出田邑發秋政順陰義也今此行賞可也而封諸侯則違於古封諸侯出土地之事於時未

乃命樂師習合禮樂飲耐命大尉贊桀俊

遂賢良舉長大進也三王之官有司馬無大尉秦官則有大尉今俗人皆云周公作月令未通於古○按蔡邕王肅亦謂月令周公作又按宋書百官志上堯時舜為太尉非始於秦行爵出祿必當其位使順是月也繼長

增高謂草木盛蕃廡木母有壞墮亦為逆時氣母起土功母發大眾妨

蠶農母伐大樹亦為逆時氣是月也天子始緝初服暑服命野虞

出行田原為天子勞農勸民母或失時重敕命司徒循

行縣鄙命農勉作母休于都急趨於農也縣鄙鄉遂之屬主民者也王居明堂禮

日母宿于國今月令休為伏是月也驅獸母害五穀母大田獵為傷蕃廡

之農乃登麥天子乃以飭嘗麥先薦寢廟登進也麥之新氣尤盛以

氣食之散其舊說云靡草薺葶藶之屬祭統曰草熱也蔬水畜是月也聚畜百藥蕃廡之時毒氣盛靡草死麥秋

至斷薄刑決小罪艾則墨謂立秋後也刑無輕於墨者今以純陽之月斷刑決罪與母有壞墮自相違似非○愚按靡草草之靡靡細者今夏枯草四月枯也○方氏苞曰於此月斷之決之出之者非極惡出輕繫崇蠶事

大罪不忍使盛暑之月困於囹圄也

畢后妃獻繭乃收繭稅以桑為均貴賤長幼如一以給

郊廟之服后妃獻繭者內命婦獻繭於后妃收繭稅者收於外命婦外命婦雖就公桑蠶室而蠶其夫亦當有祭服以助祭收以近郊之稅耳貴賤長幼如一國服同○愚按后妃獻繭蓋獻於先帝也春薦鞠衣

禮記箋

月令

三

祈蠶也夏獻繭告成功也先儒謂內命婦獻繭於后妃
恐非也季春分繭稱絲效功則內命婦之獻后妃前此
矣收繭稅者外命婦及士庶人妻女之所入者故曰
貴賤長幼如一○方氏苞曰季春專言王宮之繭事故
日畢蓋事蠶者眾成有早晚也

禮樂臣以禮樂飲之於朝正尊卑也孟冬云大飲烝此是月也天子飲酎用

言用禮樂互其文孟夏行秋令則苦雨數來五穀不滋申之氣

苦雨白露之類四鄙入保上邑小城曰保行冬令則

草木蚤枯長日後乃大水敗其城郭亥之氣行春令則

蝗蟲為災暴風來格寅有啓蟄之氣行於初暑則當蟄

者大出矣秀草不實氣更生之不得成也

禮記箋 月令

仲夏之月日在東井昏亢中旦危中仲夏者日月會於

辰其日丙丁其帝炎帝其神祝融其蟲羽其音徵律中

蕤賓其數七其味苦其臭焦其祀竈祭先肺蕤賓者應

三分益一律長六寸八十一分寸之二十六仲夏氣至

則蕤賓之律應周語曰蕤賓所以安靜神人獻酬交酢

小暑至螳蜋生鵙始鳴反舌無聲皆記時候也螳蜋鵙

舌百舌鳥也○愚按博勞亦作伯天子居明堂大廟乘

勞即伯趙反舌蔡邕云蝦蟇非也

朱路駕赤駟載赤旂衣朱衣服赤玉食菽與雞其器高

以粗明堂大廟南養壯俊助長是月也命樂師脩鞀鞀

鼓均琴瑟管簫執干戚戈羽調竽笙箎簧飭鍾磬祝敔

為將大零帝習樂也脩均執調命有司為民祈祀山川

節者治其器物習其事之言

百源大零帝用盛樂乃命百縣零祀百辟卿士有益於

民者以祈穀實陽氣盛而常旱山川百源能興雲雨者

零零吁嗟求雨之祭也零帝謂為壇南郊之旁零五精

之帝配以先帝也自輅鞞至祝敬皆作曰盛樂凡他零

用歌舞而已百辟卿士古者上公若句龍后稷之類也

春秋傳曰龍見而零零之正當以四月凡周之秋三月

之中而旱亦修零禮以求雨因著正零此月失之矣天

子零上帝諸侯以下零上公周冬及春夏雖早禮有禱

無零○愚按鄭於季夏百縣農乃登黍登進也○陳氏

注云鄉遂之屬此亦當然也

穀例移此四字是月也天子乃以雛嘗黍羞以含桃先

薦寢廟者黍火穀氣之主也含桃櫻桃也○愚按仲夏

黍已登者蔡邕云今蟬鳴黍是也登黍則嘗黍注云此

嘗雛也者意蓋謂此時黍未熟所嘗者舊黍耳恐非也

農登黍不得令民毋艾藍以染為傷長氣也此月藍始

灌藍母燒灰為傷火氣也火之氣於是更盛火之滅者

石為灰也燕地暑月不燒石為灰密者曰地氣上蒸密

內溼強燒即粗礦不可用推此則艾藍暴布亦為非時

不能為良非恐傷時氣干盛陽也○愚按灰呂覽母暴

作炭觀鄭注蓋本亦作炭今本傳寫譌作灰爾

布不以陰功干門閭毋閉關市毋索順陽敷縱不難物

稅也此月不索知餘月挺重囚益其食按猶索搜索漏

索矣非聖王之法也

增益其飯食孟月輕繫已游牝別羣孕妊之則繫騰駒

出之此月重囚復寬假之

為其壯氣有班馬政馬政謂養馬之政教以阜馬佚特

餘相蹄鬻也

禮記箋月令

致駢攻駒是月也日長至陰陽爭死生分爭者陽方盛陰欲起也分

也猶半君子齊戒處必掩身毋躁掩猶隱翳也躁猶動也

止聲色毋或進進猶御見也聲謂樂也易及樂春秋說

苞以此樂為燕私之樂亦恐未然薄滋味毋致和為其

此時節者欲定心氣微陰扶精百官靜事毋刑罪罰之

以聞今月令刑為徑○愚按淮南子時則訓刑作徑高

誘注云事無徑當精詳而後行呂氏春秋仍作刑而高

行是字雖為刑訓則為徑也以定晏陰之所成陰稱安

鹿角解蟬始鳴半夏生木董榮又記時候也半夏是月

也毋用火南方陽氣盛又用火於可以居高明可以遠

禮記箋月令

眺望可以升山陵可以處臺榭順陽在上也高明謂樓

者謂榭仲夏行冬令則雹凍傷穀觀也閩者謂之臺有木

路不通暴兵來至盜賊攻劫行春令則五穀晚熟卯之

之也生百騰時起其國乃饑騰蝗之屬言百者行秋令

則草木零落西之氣乘之也八月宿果實早成短生民

殃於疫大陵之氣來為害也

季夏之月日在柳昏火中旦奎中季夏者日月會於鶉

其日丙丁其帝炎帝其神祝融其蟲羽其音徵律中林

鍾其數七其味苦其臭焦其祀竈祭先肺林鍾者黃鍾

之所生三分

去一律長六寸季夏氣至則林鍾之律應周語曰林鍾和展百物俾莫不任肅純恪溫風始至蟋

蟀居壁鷹乃學習腐草為螢皆記時候也鷹學習謂攫搏也夏小正曰六月鷹始

擊螢飛蟲螢火也○愚按溫風傳所謂融風與天子居明堂右个乘朱路駕赤

駟載赤旂衣朱衣服赤玉食菽與雞其器高以粗明堂右个

南堂西命漁師伐蛟取鼉登龜取鼃四者甲類秋乃堅成周禮曰秋獻龜

魚又曰凡取龜用秋時是夏之秋也作月令者以為此

秋據周之時也周之八月夏之六月因書於此似誤也

蛟言伐者以其有兵衛也龜言登者尊之也鼉鼉言命

取羞物賤也鼉皮又可以冒鼓今月令漁師為榜人命

澤人納材葦蒲葦之屬此時柔是月也命四監大合百

縣之秩芻以養犧牲令民無不成出其力四監主山林川澤之官百

田以共皇天上帝名山大川四方之神以祠宗廟社稷

之靈以為民祈福牲以供祠神靈為民求福明使民艾芻是不虛取也皇天北辰耀魄寶冬

至所祭於圜丘也上帝大微五帝耳是月也命婦官染

采黼黻文章必以法故無或差貸婦官染人采五色黑黃倉赤

莫不質良毋敢詐偽質正也良善也所用染者當得真采正善也○愚按質謂所用染采

之材以給郊廟祭祀之服以為旗章以別貴賤等給之

度旗章旌旗及章識也是月也樹木方盛乃命虞人入

山行木毋有斬伐為其未堅刃也不可以興土功不可以合諸

禮記箋 月令

侯不可以起兵動眾土將用事母舉大事以搖養氣大

興徭役以有為母發令而待以妨神農之事也發令而待謂出

驚民也民驚則心動是害土神之氣土神稱曰水潦盛

昌神農將持功舉大事則有天殃言土以受天雨澤安

致害也孝經說曰地順受澤謙靜養物為功動之則

虛開張含泉任萌滋物歸中是月也土潤溽暑

溼也大雨時行燒薙行水利以殺草如以熱湯薙謂迫地

謂欲稼菜地先薙其草草乾燒之至此月大雨流水潦也

畜於其中則草死不復生而地美可稼也薙人掌殺草

職曰夏日至而雉之又曰如可以糞田疇可以美土疆

欲其化也則以水火變之土潤溽膏澤易行也糞美互文耳土疆強藥之地

邕云穀田曰田麻田曰疇○愚按疆讀如字注讀其兩

禮記箋 月令

七

反季夏行春令則穀實鮮落國多風欬辰之氣乘之也

異位二氣相亂為害○愚按呂民乃遷徙象風轉行秋

覽淮南鮮皆作解見惠氏古義九月宿直奎奎為溝

令則丘隰水潦漬溝瀆與此月大雨并而高下皆水禾

稼不熟傷於水也乃多女災含任之類敗也行冬令則風寒不時丑

氣乘鷹隼蚤鷲得疾厲四鄙入保象鳥雀之走竄也都

前注云小城曰保此又云都邑之城曰保未審二文何故先後異也

中央土火休而盛其日戊己戊之言茂也己之言起也

月為之佐至此萬物皆枝葉茂盛其帝黃帝其神后

含秀者抑屈而起故因以為日名焉其帝黃帝其神后

土帝軒轅氏也后土亦顓頊氏之子曰犁兼為土官

齊召南曰此注誤也句龍官后土而祀於社其蟲倮象

即土神矣何乃疑祝融之以火官兼土官乎

露見不隱藏虎其音宮聲始於宮宮數八十一屬土者

豹之屬恆淺毛其音宮以其最濁君之象也季夏之氣

和則宮聲調樂記曰律中黃鍾之宮十二律轉相生五

宮亂則荒其君驕律中黃鍾之宮十二律轉相生五

聲具終於六十焉季夏之氣至則黃鍾為宮其數五土生

成數十但言五其味甘其臭香土之臭味也凡其祀中

者土以生為本其味甘其臭香土之臭味也凡其祀中

雷祭先心中雷猶中室也土主中央而神在室古者複

次心次肺至此心為尊也祀中雷之禮設主於牖下乃

制心及肺肝為俎其祭丙心肺肝各一他皆如祀戶之

禮天子居大廟大室乘大路駕黃駟載黃旂衣黃衣服

黃玉食稷與牛其器圓以閔大廟大室中央室也大路

殷路也車如殷路之制而

節之以黃稷五穀之長牛土畜也器圓者象土

周布於四時閔讀如紘紘謂中寬象土含物

孟秋之月日在翼昏建星中旦畢中孟秋者日月會於

辰其日庚辛庚之言更也辛之言新也日之行秋西從

更秀實新成人其帝少皞其神蓐收此白精之君金官

因以為日名焉其帝少皞其神蓐收此白精之君金官

德立功者也少皞金天氏蓐其蟲毛象物應涼氣而備

收少皞氏之子曰該為金官其蟲毛象物應涼氣而備

也其音商三分徵益一以生商商數七十二屬金者以

日商亂則律中夷則孟秋氣至則夷則之律應夷則者

破其官壤律中夷則大呂之所生也三分去一律長五

寸七百二十九分寸之四百五十一周其數九金生數

語曰夷則所以詠歌九則平民無貳其數九金生數

九但言九者其味辛其臭腥金之臭味也凡其祀門祭

亦舉其成數其味辛其臭腥金之臭味也凡其祀門祭

禮記箋 月令

先肝

秋陰氣出祀之於門外陰也祀之先祭肝者秋為陰中於藏值肝肝為尊也祀門之禮北面設主於

門左樞乃制肝及肺心為俎奠於主南又設盛於俎東其他皆如祭竈之禮。愚按門戶一耳祀以春秋者以戶屬在內門

屬在外為異涼風至白露降寒蟬鳴鷹乃祭鳥用始行

戮皆記時候也寒蟬寒蜩謂蛻也鷹祭鳥者將食之示有先也既祭之後不必盡食若人君行刑戮之而已

天子居總章左个乘戎路駕白駱載白旂衣白衣服白

玉食麻與犬其器廉以深總章左个大寢西堂南偏戎路兵車也制如周革路而飾

之以白白馬黑鬣曰駱麻實有文理屬金犬金畜也器廉以深象金傷害物入藏是月也以立

秋先立秋三日大史謁之天子曰某日立秋盛德在金

謁告天子乃齊立秋之日天子親帥三公九卿諸侯大夫

禮記箋 月令

五

以迎秋於西郊還反賞軍帥武人於朝迎秋者祭白帝白招拒於西郊

之兆也軍帥諸將也武人謂環人之屬有勇力者天子乃命將帥選士厲兵簡

練桀俊專任有功以征不義征之言正也伐也詰誅暴慢以明

好惡順彼遠方詰謂問其罪窮治之也順猶服也是月也命有司脩法

制繕囹圄具桎梏禁止姦慎罪邪務搏執順秋氣政尚嚴命理

瞻傷察創視折理治獄官也有虞氏曰士夏曰大端猶正也。陸德明曰一審斷

決獄訟必端平端猶正也。陸德明曰一讀斷字絕句決字下屬戮有罪嚴斷

刑天地始肅不可以羸肅嚴急之言也羸猶解也是月也農乃登穀

天子嘗新先薦寢廟黍稷之屬於是始熟。愚按仲夏登黍矣此之穀乃稷也今俗亦謂

稷爲穀矣餘月皆以某嘗某此但言
命百官始收斂秋

嘗新者皇氏云不云牲記文略也
斂物完隄坊謹壅塞以備水潦備者備八月也入脩宮

室坏垣牆補城郭象秋收斂物當藏也是月也毋以封諸侯立大

官毋以割地行大使出大幣古者於嘗出田邑此其月也而禁封諸侯割地失其

義○愚按孟夏封諸侯順夏假之令也孟秋祭
封諸侯順秋藏之候也以義而斷似無可疑孟秋行

冬令則陰氣大勝亥之氣乘之也介蟲敗穀介甲也甲蟲屬冬敗穀者稻蟹之屬

戎兵乃來十月宿直營室營室之氣爲害也營室主武事行春令則其國乃旱

寅之氣乘之也雲雨以風除也陽氣復還五穀無實陽氣能生而不能成行夏令

則國多火災巳之氣乘之也寒熱不節民多瘧疾瘧疾寒熱所爲者今月令

禮記箋月令

辛

瘧疾爲疾疫

仲秋之月日在角昏牽牛中且觜觶中仲秋者日月會於壽星而斗建

酉之辰也其日庚辛其帝少皞其神蓐收其蟲毛其音商律

中南呂其數九其味辛其臭腥其祀門祭先肝南呂者大族之

所生三分去一律長五寸三分寸之一仲秋氣至則南呂之律應周語曰南呂者贊陽秀物盲風至

鴻鴈來玄鳥歸羣鳥養羞皆記時候也盲風疾風也玄鳥燕也歸謂去蟄也凡鳥隨

陰陽者不以中國爲居羞謂所食也夏小正曰九月丹鳥羞白鳥說曰丹鳥也者謂丹良也白鳥也者謂閏蚘

也其謂之鳥者重其養者也有翼爲鳥養也者不盡食也二者文異羣鳥丹良未聞孰是○愚按太平御覽二

十五卷引蔡邕月令章句曰仲秋白露節盲風至秦人謂麥風爲盲風案盲通作寅說苑辨物篇云雨穀三日

嘗麻先薦寢廟麻始熟也。愚按不是月也可以築城

郭建都邑穿寶窖修困倉為民將入物當藏也穿寶窖者入地圓曰寶方曰窖王居

明堂禮曰仲秋命庶民畢入于室曰時殺將至毋罹其災乃命有司趣民收斂務畜

菜多積聚始為禦冬之備乃勸種麥母或失時其有失時行罪

無疑麥者接絕續乏之穀尤重之。愚按夏小正榮鞠樹麥在九月是月也日夜分雷

始收聲蟄蟲坏戶殺氣浸盛陽氣日衰水始涸又記時候也雷始收聲在地中動內物也坏益也蟄蟲益戶謂稍小之

也涸竭也此甫入月中雨氣未止而云水竭非也周語

曰辰角見而雨畢天根見而水涸又曰雨畢而除道水

涸而成梁辰角見九月本也天根見九月末也王居明

堂禮曰季秋除道致梁以利農也日夜分則同度量平權衡正鈞石角

禮記箋 月令

斗甬是月也易關市來商旅納貨賄以便民事四方來

集遠鄉皆至則財不匱上無乏用百事乃遂易關市謂輕其稅使

民利之商旅賈客也凡舉大事毋逆大數必順其時慎

因其類事謂興土功合諸侯舉兵眾也季夏禁之孟秋始征伐此月築城郭季秋教田獵是以於中為

之戒 仲秋行春令則秋雨不降卯之氣乘之也卯宿直房心心為大火也草

木生榮應陽動也國乃有恐以火訛相驚行夏令則其國乃旱蟄

蟲不藏五穀復生午之氣乘之也行冬令則風災數起子之氣乘之也

北風收雷先行先猶蚤也冬主閉藏草木蚤死寒氣盛也。愚按草木生榮榮華也

桃李梅之屬有歲再華者草木蚤死謂未至黃落而忽萎死者也

季秋之月日在房昏虛中旦柳中季秋者日月會於大火而斗建戌之辰也

其日庚辛其帝少皞其神蓐收其蟲毛其音商律中無

射其數九其味辛其臭腥其祀門祭先肝無射者夾鍾之所生三分

去一律長四寸六千五百六十一分寸之六千五百二十四季秋氣至則無射之律應周語曰無射所以宣布

詰人之令德鴻鴈來賓爵入大水為蛤鞠有黃華豺乃

祭獸戮禽皆記時候也來賓言其客止未去也大水海也戮猶殺也

此日來賓者俗謂鵝也○愚按仲秋日來者過去不雷大水未必是海然今海上人皆云雀入海為蛤也

天子居總章右个乘戎路駕白駱載白旂衣白衣服白玉食

麻與犬其器廉以深總章右个西堂北偏是月也申嚴號令申重

禮記箋 月令

按孟秋命百官始收斂此復申嚴號令以命之命百官貴賤無不務內以會天

地之藏無有宣出內謂收斂入之也會猶聚也○惠氏

按會合也合天乃命冢宰農事備收備猶盡也舉五穀之要

定其租稅之簿○愚按冢宰制國用於歲杪故農事備收舉五穀租稅之所入定其計要也

藏帝籍之收於神倉祇敬必飭重柔盛之委也帝籍所耕千畝也藏祭祀之穀為神倉祇亦敬

是月也霜始降則百工休寒而膠漆之作不堅好也乃命有司曰

寒氣總至民力不堪其皆入室總猶狃卒上丁命樂正入學

習吹為將饗帝也春夏重舞秋冬重吹也○疏云必用

○齊召南曰仲春上丁釋菜無疏據此文則取義同也○愚按春習舞秋習吹互文耳凡聲陽也禮家云嘗祭

無樂鄭云秋冬重吹似失之是月也大饗帝言大饗者遍祭五帝也曲禮曰大饗不問卜謂

此嘗犧牲告備于天子嘗者謂嘗羣神也天子親嘗帝使有司祭於羣神禮畢而告焉

○愚按大饗非徧祭五帝以其禮大故稱大耳帝即上帝也嘗祭宗廟也皆天子親之告備告犧牲備具也

合諸侯制百縣為來歲受朔日與諸侯所稅於民輕重

之法貢職之數以遠近土地所宜為度以給郊廟之事

無有所私秦以建亥之月為歲首於是歲終使諸侯及鄉遂之官受此法焉合諸侯制者定其國家

宮室車旗衣服禮儀也諸侯言合制百縣言受朔日互

文也貢職所入天子凡周之法以正月和之正歲而縣

於象魏○王氏曰注云合諸侯制絕句不可從劉氏曰制猶敕也○愚按稅於民者各貯其國貢職之數輸納

天子是月也天子乃教於田獵以習五戎班馬政教於田獵因田

禮記箋

月令

云

獵之禮教民以戰法也五戎謂五兵弓矢戣子戈戟也

馬政謂齊其色度其力使同乘也校人職曰凡軍事物

馬而命僕及七駟咸駕載旌旄授車以級整設于屏外

僕戎僕及御夫也七駟謂趣馬主為諸官駕說者也既

駕之又為之載旌旗司馬職曰仲秋教治兵如振旅之

陳辨旗物之用王載大常諸侯載旂軍吏載旗師都載

旛鄉遂載物郊野載旒百官載旗是也級等次也整正

列也設陳也屏所田之地門外之蔽○七駟者皇氏云天子馬有六種種別有駟則六駟也又有總主之人并

六駟為七司徒摺扑北面誓之誓眾以天子乃厲節執弓挾

矢以獵也厲節謂戎服向威武也命主祠祭禽于四方以所獲禽

祀四方之神也司馬職是月也草木黃落乃伐薪為炭

日羅弊致禽以祀祊羅弊致禽以祀祊是月也草木黃落乃伐薪為炭

伐木必因殺氣螫蟲咸俯在內皆墜其戶墜為塗閉乃趣獄刑

母畱有罪

殺氣已至有罪者即決也

收祿秩之不當供養之不宜者

天氣殺而萬物咸藏可以去之也祿秩之不當恩所增
加也供養之不宜欲所貪者熊蹯之屬非常食○愚按
膳服非常是月也天子乃以犬嘗稻先薦寢廟稻始熟也季
者皆是

秋行夏令則其國大水冬藏殃敗民多飢噍未之氣乘之也六月

宿直東井行冬令則國多盜賊邊竟不寧土地分裂丑

氣多暑雨行春令則煖風來至民氣

象也大寒之時地隆坼也行春令則煖風來至民氣

解惰辰之氣乘之師興不居辰宿直角角主兵不居象風行不休止也

孟冬之月日在尾昏危中旦七星中孟冬者日月會於

亥之其日壬癸壬之言任也癸之言揆也日之行東北

禮記箋月令

任於下揆然萌芽其帝顓頊其神玄冥此黑精之君水

又因以為日名焉顓頊高陽氏也玄冥其蟲介介甲也象

來著德立功者也顓頊高陽氏也玄冥其蟲介介甲也象

冥少皞氏之子曰脩曰熙為水官其蟲介物閉藏地

中龜鼈其音羽三分商去一以生羽羽數四十八屬水

調樂記曰羽亂律中應鍾孟冬氣至則應鍾之律應

則危其財匱鍾者姑洗之所生三分去一

律長四寸二十七分寸之二十其數六水生數一成數

周語曰應鍾均利器用俾應復其數六但言六者亦

舉其成數其味鹹其臭朽水之臭味也凡鹹朽者皆其祀行
祭先腎冬陰盛寒於水祀之於行從辟除之類也祀之
廟門外之西為轍壤厚二寸廣五尺輪四尺祀行之禮
北面設主於轍上乃制腎及脾為俎奠於主南又設盛
於組東祭內腎一脾再其他皆如祀門之禮○齊召南
日壤字當作壇屬上句讀周禮大馭賈疏引此注作為

較壇是也又水始冰地始凍雉入大水為蜃虹藏不見
本節疏可證皆記時候也大水淮也大天子居玄堂左个乘玄路駕
蛤曰蜃。陳注云蜃蛟屬

鐵驪載玄旂衣黑衣服玄玉食黍與菟其器閑以奄玄
左个北堂西偏也鐵驪色如鐵黍秀舒散屬火寒時食
之亦以安性也奄水畜也器閑而奄象物閉藏也今月
令曰乘軫路似富是月也以立冬先立冬三日大史謁
為軫字之誤也

之天子曰某日立冬盛德在水天子乃齊謁立冬之日

天子親帥三公九卿大夫以迎冬於北郊還反實死事

恤孤寡迎冬者祭黑帝叶光紀於北郊之兆也死事謂以國事死者若公叔禹人顏涿聚者也孤寡其

賜之大功加賞是月也命大史釁龜筮占兆審卦吉凶

禮記箋月令

筮著也占兆龜之繇文也周禮龜人上春釁龜謂建寅
之月也秦以其歲首使大史釁龜筮與周異矣卦吉凶

謂易也審省錄之而不變筮筮短賤於兆也今月令曰釁祠衍字是察阿黨則罪無有

掩蔽阿黨謂治獄吏以私恩曲撓相為也。愚按是正也二句與上文不屬又不見所命之官疑有關文

是月也天子始裘九月授衣至此可以加裘命有司曰天氣上騰地

氣下降天地不通閉塞而成冬使有司助閉藏之氣門戶可閉閉之窗牖可塞

塞之命百官謹蓋藏謂府庫因倉有藏物命司徒循行積聚無有不

斂謂芻禾薪蒸之屬坏城郭戒門閭脩鍵閉慎管籥固封疆備

邊竟完要塞謹關梁塞後徑坏益也鍵牡閉牝也管籥搏鍵器也固封疆謂使有

司循其溝樹及其眾庶之守法也要塞邊城要害處也
梁橋橫也後徑禽獸之道也今月令疆或為璽。按蔡

豈獨斷作固封璽呂覽同卽鄭所謂今月令也又案顏氏家訓書證篇引蔡邕月令章句曰鍵關牡也牡所以止扉也或謂之刻移聲類作屨屨又或作居飭喪紀辨衣裳審棺槨之厚薄

瑩丘壟之大小高卑厚薄之度貴賤之等級此亦閉藏之具順時

卑所用也所用又有多少是月也命工師效功陳祭

器按度程母或作為淫巧以蕩上心必功致為上霜降而百

工休至此物皆成也工師工官之長也效功錄見百工所作物也主於祭器祭器尊也度謂制大小也程謂

器所容也淫巧謂奢偽怪物勒工名以考其誠勒刻也

好也蕩謂搖動生其奢淫名於其器以察其功有不當必行其罪以窮其情功不

信知其不功致取材美而器不堅也愚按是月也大飲烝十月農功

不當卽謂不能功致與淫巧是月也大飲烝天子諸

禮記箋月令

侯與其羣臣飲酒於大學以正齒位謂之大飲別之於

他其禮亡今天子以燕禮羣國以鄉飲酒禮代之燕謂

有牲體為俎也黨正職曰國索鬼神而祭祀則以禮屬

民而飲酒于序以正齒位亦謂此時也詩云十月滌場

朋酒斯饗曰殺羔羊躋彼公堂稱彼兕觥受福無疆是

頌大飲之詩。愚按烝冬祭名也祭畢大合羣臣而飲

酒也注羣國天子乃祈來年于天宗大割祠于公社及

當為郡國天子乃祈來年于天宗大割祠于公社及

門閭臘先祖五祀此周禮所謂蜡祭也天宗謂日月星

田獵所得禽祭也五祀門戶中雷竈行也或言祈年或言大割或言臘互文。愚按門閭以上蜡也以下臘也臘與蜡同勞農以休息之齊召南曰此句應與上句

相天子乃命將帥講武習射御角力為仲冬將大閱簡

屬天子乃命將帥講武習射御角力習之亦因營室主

武士也凡田之禮唯狩最是月也乃命水虞漁師收水

備夏小正曰十一月王狩是月也乃命水虞漁師收水

泉池澤之賦母或敢侵削眾庶兆民以為天子取怨于下其有若此者行罪無赦因盛德在水收其稅愚按收稅秦法非也孟冬

行春令則凍閉不密地氣上泄寅之氣乘之也民多流亡象蟄蟲動也

行夏令則國多暴風方冬不寒蟄蟲復出巳之氣乘之也立夏異用

事異申之氣乘之也行秋令則雪霜不時乘之也小兵時起土地侵削

直參伐參伐為兵

仲冬之月日在斗昏東辟中旦軫中仲冬者日月會於星紀而斗建子之

也其日壬癸其帝顓頊其神玄冥其蟲介其音羽律中

黃鍾其數六其味鹹其臭朽其祀行祭先腎黃鍾者律之始也九

禮記箋月令

元

寸仲冬氣至則黃鍾之律應周語曰黃鍾所以宣養六氣九德

鳴虎始交旦之鳥也交猶合也天子居玄堂大廟乘玄

路駕鐵驪載玄旂衣黑衣服玄玉食黍與彘其器闕以

奄玄堂大廟北飭死事飭軍士戰必有死志命有司曰土事母作

慎母發蓋母發室屋及起大眾以固而閉地氣沮泄是

謂發天地之房諸蟄則死民必疾疫又隨以喪命之日

暢月而猶女也暢猶充也大陰用事尤重閉藏案藝文類聚三卷引太公金匱曰夏築之時以十月發

民鑿山穿陵通於河民諫曰孟冬鑿山穿陵是泄天氣發地之藏天子失道後必有敗築殺之替年岑山崩為

大澤湯率是月也命奄尹申宮令審門閭謹房室必重諸侯伐之

閉奄尹主領奄豎之官也於周則爲內宰掌治王之省

婦事毋得淫雖有貴戚近習毋有不禁陰類也淫謂女

功奢偽怪好物也貴戚謂姑姊妹之屬乃命大酋稭稻

必齊麩粦必時湛熾必潔水泉必香陶器必良火齊必

得兼用六物大酋監之毋有差貨酒熟日酋大酋者酒

酒人稭稻必齊謂熟成也湛漬也熾炊也火齊腥熟之

調也物猶事也差貨謂失誤有善有惡也古者穫稻而

漬米麩至春而爲酒詩云十天子命有司祈祀四海大

川名源淵澤井泉順其德盛之時祭之是月也農有不

收藏積聚者馬牛畜獸有放佚者取之不詰此收斂尤

禮記箋 月令

元

有取者不罪所以警懼其主也王居明堂 山林藪澤有

能取蔬食田獵禽獸者野虞教道之其有相侵奪者罪

之不赦務收斂野物也大澤曰是月也日短至陰陽爭

諸生蕩爭者陰方盛陽欲起君子齊戒處必掩身身欲

寧去聲色禁者慾安形性事欲靜以待陰陽之所定寧

也聲謂樂也易及樂春秋說云冬至人主與羣芸始生

臣從入能之士作樂五日此言去聲色又相違芸始生

荔挺出蚯蚓結麋角解水泉動又記時候也芸香草也

上行。案注以荔挺爲名非也說文荔似蒲而小根可

爲刺蔡邕高誘皆云荔以挺出是也顏氏家訓書證篇

辨之 日短至則伐木取竹箭此其堅成是月也可以罷

官之無事去器之無用者

謂先時權所建作者也天地開藏而萬物休可以去之

塗闕廷門閭築固圍此以助天地之閉藏也

順時氣也仲冬

行夏令則其國乃旱

午之氣乘之也氛霧冥冥

霜降之氣散相亂也。案注霜

降當作雷乃發聲

震氣動也午屬震。愚按午似當為雷

行秋令則天時

雨汁瓜瓠不成

酉之氣乘之也酉宿值昴畢畢好雨雨汁者水雪雜下也子宿值虛危虛危內

有瓜瓠

國有大兵

兵亦酉之氣

行春令則蝗蟲為敗

當蟄者出卯之氣乘

也水泉咸竭

大火為旱。案咸呂覽作滅古咸滅通

民多疥癘

疥癘之病字甲之象

季冬之月日在婺女昏婁中旦氏中

季冬者日月會於亥柁而斗建丑之

也其日壬癸其帝顓頊其神玄冥其蟲介其音羽律中

禮記箋月令

三

大呂其數六其味鹹其臭朽其祀行祭先腎

大呂者糞實之所生

也三分益一律長八寸二百四十三分寸之百四季冬氣至則大呂之律應周語曰大呂助陽宣物

鄉鵲始巢雉雊雞乳

皆記時候也雊雉鳴也詩云雉之朝雊尚求其雌。愚按鴈之父母

也凡早至者鴈之父母晚至者其子也又按顏氏家訓文章篇引此注云雊雉鳴疑今本脫雊字也雞乳淮

南子時則訓作雞呼卵高誘注云雞呼鳴求卵

天子居玄堂右个乘玄路駕鐵

驪載玄旂衣黑衣服玄玉食黍與醢其器閤以奄

玄堂右个

北堂命有司大難旁磔出土牛以送寒氣

此難難陰氣也難陰始於

此者陰氣右行此月之中日歷虛危虛危有墳墓四司之氣為厲鬼將隨強陰出害人也旁磔於四方之門磔

攘也出猶作也作土牛者丑為牛牛可牽止也

征鳥厲

送猶畢也。愚按出蓋出之於郊耳外陰也

疾殺氣當極也征鳥題肩也齊人謂乃畢山川之祀及

帝之大臣天之神祇四時之功成於冬孟月祭其宗至

之屬天之神祇司是月也命漁師始漁天子親往乃嘗

魚先薦寢廟天子必親往視漁明漁非冰方盛水澤腹

堅命取冰腹厚也此月日在北陸水堅厚之時也北陸

謂虛也今月令無堅。陳注云腹猶內也。冰以入令告民出五種冰既

案腹呂覽作復釋文云又命農計耦耕事脩耒耜具田器

作複蓋皆重累之義也命樂師大合吹而罷歲將終與族

令田官告民出五種明命樂師大合吹而罷歲將終與族

大寒氣過農事將起也命樂師大合吹而罷歲將終與族

耜者耒之金也廣五命樂師大合吹而罷歲將終與族

寸田器鐵鑿之屬命樂師大合吹而罷歲將終與族

於大寢以綴恩也言罷者此用禮樂於族人最盛後年

若時乃復然也凡用樂必有禮用禮則有不用樂者王

禮記箋 月令

居明堂禮季冬命國為酒乃命四監收秩薪柴以共郊

廟及百祀之薪燎四監主山林川澤之官也大者可析

柴以給燎春秋傳曰其父析是月也日窮于次月窮于

薪今月令無及百祀之薪燎是月也日窮于次月窮于

紀星回于天數將幾終言日月星辰運行於此月皆周

歲且更始專而農民母有所使而猶女也言專一女農

耕稼之事不可徭役徭天子乃與公卿大夫共飭國典

論時令以待來歲之宜飭國典者和六典之法也周禮

此月則所因乃命大史次諸侯之列賦之犧牲以共皇

天上帝社稷之饗此所與諸侯共者也列國有大小也

也乃命同姓之邦共寢廟之芻豢此所以與同姓共命

宰歷卿大夫至于庶民土田之數而賦犧牲以共山林

名川之祀此所與卿大夫庶民共者也歷猶次也卿大夫采地亦有大小其非采地以其邑之民多

少賦之愚按賦犧牲下凡在天下九州之民者無不

咸獻其力以共皇天上帝社稷寢廟山林名川之祀非

神之福不生雖有其邦季冬行秋令則白露蚤降介蟲

為妖戊之氣乘之也九月初尚有四鄙入保畏兵辟行

春令則胎天多傷辰之氣乘之也天少長也此月物甫

天多傷者生氣國多固疾生不充性命之日逆眾害莫

早至不充其性禮記箋月令三

行夏令則水潦敗國時雪不降冰凍消釋未之氣乘之

也季夏大雨

時行



